

ՄԿՐՏԻՉ ԽՐԻՄՅԱՆ

(մահվան 90-ամյա տառելիցի առթիվ)

Է. Ա. ԿՈՍՏԱՆԻՅԱՆ

1907 թ. հոկտեմբերի 29-ին էջմիածնի վեհարանում իր մահկանացուն կնքեց հայոց ժերունդաբեր հայրապետը՝ Մկրտիչ խրիմյանը։ Նրա անունը դեռ կենդանության օրոք զարդարվեց սրբություն լուսապսակով, 42-ամյա հոգևոր գործիչը տարոնահայության կողմից արժանացավ այնպիսի պատվանունի, որը նրան ուղեկցեց ողջ կյանքի ընթացքում՝ Հայրիկ... Իսկապես, նա հայության հայրիկն էր, նրա ցավերին կարեկից, նրա տառապանքներին սպեղանի դնող։

Մնվել է 1820-ին Վանում, Կըրըմցունց կամ Խըրըմցունց տարազագործ վաճառականի ընտանիքում։ Ուսման անհաջող տենչը նրան ուղղում է դեպի Լիմ և Կոստյ անապատների վանական դպրոցները, որոնք չեն բավարարում նրա հոգեկան պահանջները։ 1842-ին նա հեռանում է այդտեղից և իր երեք ընկերների հետ շրջագայում հայրենի Վասպուրականի բոլոր գավառներում, ծանոթանում տեղի հայության կացությանը։ Նրա մտահորիզոնն առավել ընդլայնվում է Կ. Պոլսում, ուր, երկու տարի կոշկակարու-թյամբ պահպանելով իր գոյությունը, մեծ հափշտակությամբ զբաղվում է ինքնակրթությամբ։ Վերադառնալով հայրենի Վան, անսում է մոր թախանձանքին և ամուսնանում։ Չանցած շատ ժամանակ, 1847-ին, խուլյա տալով զինվորական հարկից, թողնելով դեռատի կնոջն ու նորածին աղջկան, իր մտերիմ ընկերոջ՝ Ագրիպաս Դաբադյանի հետ անցնում է Պարսկաստան, ապա Ավարայրի դաշտով, Արաքսի ափերով մտնում Արևելյան Հայաստան՝ Այրարատ, Շիրակ, Լինում է նաև արևելահայ մշակութային կենտրոն Թիֆլիսում, այնուհետև ժողով, Բաթումի վրայով վերադառնում Կ. Պոլիս։ Այնտեղից կատարում է իր երկրորդ ճանապարհորդությունը, այս անգամ՝ դեպի Երուսաղեմ, քրիստոնեական եկեղեցու սրբազան վայրերը։ Երկու տարի անց Հանապարհորդությունների տպավորության ներքո նա երկնում է իր երկու հրավիրակները՝ «Հրավիրակ Արարատյան» և «Հրավիրակ երկրին Ավետյաց»։ Առաջինի մտասեեռ գաղափարը չերմ հայրենասիրություն էր, երկրորդինը՝ քրիստոնեական սրբազան հավատը։ Սրա ընթերցումն առաջացնում է երիտասարդի՝ սուրբ գրքերի իմացության և մեկնության նկատմամբ զարմանքի զգացողություն, ապա համոզում, որ հետագայում՝ կնոջ ու աղջկա մահից հետո նա կատարեց ճիշտ ընտրություն՝ ընդունելով կուսակրոնություն և ձեռնադրվելով վարդապետ։ Նրա վարդապետական առաջին քաղաքն ուներ ուշագրավ բնաբան՝ «Հովիւ քսւջ զանձն իւր դնէ ի վերայ ոչխարաց իւր»։ Աստվածաբանական այդ քաղաղը հայրենասիրության ներքո էր, կրթության, լուսավորության և դաստիարակության հոգեցունց մի կոչ։ Այդ բնաբանը եղավ նրա ողջ կյանքի խորհրդանիշը։

Աղթամարա միաբանությունը թույլ չտվեց նորընծա վարդապետին տեղում ի կատար ածել նվիրական իղձը՝ Աղթամարը դարձնել հայկական Վենետիկ։ Վարդապետ խրիմյանը 1854 թ. հետո դարձյալ Կ. Պոլսում էր, ուր քարոզիչ է կարգվում Սկյուտարի Ս. Աստվածածին եկեղեցում։ Այստեղ նրա քարոզների բնաբանն է դառնում «Հուր եկի արկանել...»։ Իսկապես, նա իր կրակոտ խոսքերով վառում ու բորբոքում էր ունկնդիրների հոգին։ Նրան լսելու համար հավաքվում էր հոծ բազմություն։ Դրանց շարքում էին նաև թուրքական արքունիքի հայազգի բարձրաստիճան դեմքեր։ Անվախ խրիմ-

յանը քարոզի ժամանակ համարձակությամբ դիմում էր արքունի վառողապետ Հովհաննես րեյ Տատյանին, դռնելով, որ բավ է արքունիքին վառող մատակարարել, անհրաժեշտ է նրա ամրաբաժ վառողից «թիչ մըն ալ Հայաստանի հայերուն տալ»՝ նրա թշնամիների դեմ զործածելու նպատակով։ Ապա խոսքն ուղղվում է արքունի ճարտարապետին՝ Պալյան ամիրայական տոհմի շառավիղ Կարապետ Պալյանին. «Բավ է, որ սուլթանաց համար պալատներ շինես, եկուր, քեզ Հայաստան տանեմ, հոն մեր նախնաց ավերակներ շատ կան, եկուր, նորոգեմ մեր փլած և կիսավեր ամրոցներ, բերդեր և պալատներ»¹։ Այդ քարոզները հուղում են օսմանյան մայրաքաղաքի գաղթօջախի հայության սրտերը, նրանց «մարած հոգիները վառվում են հայրենասիրական կրակով»։ Սակայն հրիմյանը քաջ ղեկավարում էր, որ բանավոր խոսքը նման է առավոտյան ցողին, արագորեն կորցնում է իր ազդեցիկ հայ գերդաստանների նյութական օժանդակությամբ 1855-ի հունիսին Կ. Պոլսի Արապյան եղբայրների տպարանում, ապա 4 ամիս անց իր սեփական տպարանում, հրիմյանը հրատարակում է «Արծուի Վասպուրական» ամսագիրը, որի տիտղոսաթերթին դրված էր. «Արծուի Վասպուրական» թողցնալ հայրենասէր թեօք յԱրծրունի գահէն ի Վան Տօսպ, Ա. տարի, թիվ 1, 1855 թ. յունիս, խմբագիր հայրենախօս Մկրտիչ վարդապետ հրիմեան, Կոստանդնուպօլիս»։ Ամսագիրը գործակալներ ուներ Կ. Պոլսում, Զմյուռնիայում, Կաբինում և Վանում, որոնք օժանդակում էին նրա բաժանորդագրությանն ու տարածմանը։

Խմբագիրն ամսագրի նպատակն էր համարում «դրել և խոսել զհայրենեացն, զնորին նախնի ճոխ բարգաւաճութեանցն, զվերջին դժբախտ վիճակացն, զհայրենաշէն քաջացն հայոց, զառաքինի հարցն հոգևոր և որ ինչ առ հայրենիսն վերաբերին»²։ Պայքարելով պանդխտության դեմ, որի պատճառով հայաթափ էր լինում արևմտահայ ղավառը, խմբագիրը ճշմարիտ հայրենասիրությունը համարում է «բուն հայրենյաց երկրին մեշ բնակվելը» և հրավեր է հղում «տարաշխարհիկ հայկազուններին»՝ վերադառնալ հայրենիք, շենացնել մեր նախնիներից ժառանգությունը ստացած երկիրը։ Հայրենի «փշալից դաշտերը» հրիմյանը գերադասում է պանդխտության «ծաղկալից բուրաստաններից»։ 1855 թ. հունիսից մինչև 1856 թ. հունիսը ամսագիրը հրատարակվում է Կ. Պոլսում։ Լույս է տեսնում 12 համար։ Այդ ընթացքում հրիմյանը տեղագրի գործունեություն է ծավալում ամսագրի հրատարակությունը տեղափոխել իր անվանը վալել Վասպուրական։ Կայսրության ծովամերձ քաղաքների հայ գաղթօջախներն ապրում էին համեմատաբար աշխույժ մշակութային կյանքով։ «Գավառ» հորջորջվող բուն Արևմտյան Հայաստանը իսպառ զուրկ էր մամուլից, տպարանից։ հրիմյանն առաջին գործիչն էր, որ ձևավորեց գուտենբերգյան հրաշագործության լույսը հասցնել բուն Արևմտյան Հայաստան։

Իր ազդեցիկ բարեկամների օգնությամբ, Կ. Պոլսի Հակոբոս պատրիարքի միջոցով հրիմյանին հաջողվում է օսմանյան արքունիքից հրովարտակ ստանալ և դառնալ Վանի մերձակայքում գտնվող Վարսգա վանքի վանահայրը։ 1856 թ. աշնանը իր երկու ընկերների՝ Տիգրան Գալփակճյանի և Միքայել Ռուբինյանի հետ նա մեկնում է Վան՝ իր հետ տանելով փայտյա և երկաթյա տպագրական մեքենաներ։ 1857 թ. հունվարին Վարսգա վանքի վանահայրը սկսում է իր գործունեությունը Վանքի միաբանությունում։ հրիմյանին դիմավորեց ղեկավարությամբ, պատճառը տնտեսական գործոնն էր։ Վանքի հարուստ հասույթները յուրացնում էին տեղի մեծահարուստները՝ գործակցելով միաբանության անդամների հետ։ նորեկ վանահայրը բարեկարգեց վանքը, նրա հասույթների մի մասը հատկացվեց նոր

1 Զ. Ա. Կոստանյան, Հայոց Հայրիկ, հ. 1, էջ 212, Գ. Գյուլպալյան, Մ. հրիմյան (Չափարների աշխարհ), Պետրոլ, 1954, էջ 27։

2 Արծուի Վասպուրական, 1855, № 1։

բացվելիք հոգևոր վարժարանին և ամսագրի վերահրատարակությանը: «Հյուսիսսփայլի» թղթակիցը՝ ապագա նշանավոր վիպասան Րաֆֆին (Մե-լիքզադե) գրեց այն հալածանքի և իշխանության մասին, որոնց արժանա-ցավ հորմյանը վարագում, միաժամանակ գնահատական տվեց նրա գոր-ծունեությանը. «Ոչ մի անգամ չէի տեսած ազգասիրական հոգին՝ այդպես կենդանի, որպես այդ արժանապատիվ կրթնավորի մեջ»⁸: Վարագում հորմյանը զգում էր աջակիցների և օգնականների խիստ կարիք: Իրասք կարող էին լինել նոր սերնդի ներկայացուցիչները: 1857 թ. մարտին՝ հորմյանը գրեց հոգևոր «Ժառանգավորաց» վարժսրանի չլմնաբարր, իսկ դասավան-դումն սկսվեց օգոստոսի մեկից: 25 աշակերտի համար նախատեսված հո-գևոր այդ դպրոցի դասասենյակները կահավորված էին ղրափաղափաղներով, նստարաններով, գրատախտակներով, աշխարհագրական քարտեզներով և բնագիտական դիզակտիկ նյութերով: Այդ տիպի դպրոցը նորություն էլ հայկական աշխարհում: Այդ հոգևոր դպրոցում դասավանդվում էին նաև աշխարհիկ գիտելիքներ՝ ընդհանրական տեղեկություն (բնագիտություն), թվաբանություն, աշխարհագրություն և այլն: Վսլթարանի մանավանդ ա-ռաջին շրջանավարտները արևմտահայ հասարակական կյանքի լուսավորու-թյան տարածման առաջին նախակարապետները եղան: Ռավական է. սշել միայն մեկ նվիրական անուն՝ Գարեգին Սրվանձտյանց... հայ բա-ահյու-սություն, բանագիտության և աղագրություն մեծ երախտավորի անդամը, հայ եկեղեցու արժանավոր հայրերից մեկը, որի դիտական գործունեության արժանավոր գնահատականը եղավ Պետերբուրգի հեագիտական կայսերա-կան ակադեմիայի պատվավոր անդամի պատկառելի տիտղոսը. միայն այդ մեկ անվան նշումը բավական է ցույց տալու «Ժառանգավորացի» ծավա-լած գործունեության ընդգրկուն ոլորտները:

1858 թ. հունվարից վերսկսվեց «Արծուի Վաստորականի» հրատարա-կությունը: Լայնացել էին ամսագրի տարածման շրջանակները՝ Արևմտյան Հայաստանի, Օսմանյան կայսրության հայաբնակ բազմաթիվ վայրեր, Պարսկահայք և նույնիսկ Արևելյան Հայաստան: Րաֆֆին դարձել էր ամսա-գրի տարածման Պարսկահայքի գործակալը: Խմբագրի սեեոուն և պատակն էր ամսագիրը դարձնել արևելահայ և արևմտահայ ընթերցող հասարակա-յնության կապող օղակը: «Արծուի» վարագյան շրջանն աչքի էր ընկնում կուռ կառուցվածքով: Հրատարակվող նյութերը բաժանված էին հաստատուն բաժինների: ա) Հանդես առնված ապաշտուրեան՝ պարունակում էին հոդ-վածներ՝ քրիստոնեական հավատի, հայ եկեղեցու և հոգևորականության նշանավոր գործիչների մասին: բ) Հանդիսարան հայրենաշեն առաքիներացն հայոց—մեծարվում էին հայ պետական և քաղաքական գործիչները՝ «նախ-նի քաջազունք մեր... նոցին հայրենագաղղ գործոց ըստ ամենայն՝ հանդա-մանաց ճառագրելով»: գ) «Տեսարան հայրենի աշխարհաց» բաժինը նկա-րագրում էր Արևմտյան և Արևելյան Հայաստանի բնակավայրերը՝ քաղաք-ները, գյուղերը, վանքերը, մենաստանները, եկեղեցիները (այս բաժնի հոդ-վածները առավել արժեքավոր են մանավանդ այսօր՝ մեր ժամանակի ըն-թերցողի առաջ պարզելով կորուսյալ հայրենիքի ճարտարապետական հա-մալիրների պատկերը): դ) Բնաաստան բայոյական առաքիներացն բա-ժինը իրենից ներկայացնում էր բարոյախոսական հոդվածներ, որ գովերգ-վում են բարոյական անանց արժեքները և քննադատվում մարդկային մո-լությունները: ե) Թանգարան հայկական դպրոթեան բաժինը պարունակում էր ինքնուրույն գեղարվեստական գործեր, թարգմանություններ, հին մատ-յաններից և հիշատակարաններից քաղված այնպիսի հատվածներ, որոնք վերաբերում էին հայ ժողովրդի պատմության որևէ նշանակալից իրադար-ձության կամ անցքի:

⁸ Հյուսիսսփայլ, 1860, № 11, էջ 407:

Ամսագրի վարագրյան շրջանը շահեկանորեն տարբերվում էր պոլիսյան շրջանից: Ընդլայնվել էր հեղինակների շրջանակը, «Ժառանգավորացի» ուսուցիչների և սաների հետ միասին՝ նաև արևելահայ գործիչներ (մասնավորապես՝ Րաֆֆին): Ամսագրի հոդվածներն առավել լադմադան դարձան Մկրտիչ հրիմյանի և նրա սանի՝ Գաբրիել Սրվանձտյանցի Արևելյան Հայաստան կատարած ճանապարհորդությունից հետո: Այն սկսվեց 1860 թ. նոյեմբերի 10-ին և վերջացավ 1861 թ. հուլիսի 16-ին: Դրա հետևանքով ընդլայնվեցին ամսագրի տարածման շրջանակները, անհամեմատ բարձրացան հեղինակների մտահորիզոնը և հոդվածների մակարդակը: Այս երրորդ շրջանում ամսագիրը աչքի է ընկնում բարձրացրած հարցերի նպատակասլացությամբ, համահայկական խնդիրներ արծարծելու ձգտումով: Արևմտահայ և արևելահայ հասարակական կյանքի տարբեր կողմերի քննարկումներով աչքի ընկան Մ. հրիմյանի «Խորհրդածություն Վասպուրական Արծվոյն իր ճանապարհորդության մեջը», «Հայկազանց հառաջադիմության կեդրոն բուն հայրենիքն է», «Հոգի և զգացողություն հայկազանց Հայաստանի», «Ժողովրդական դպրոց», «Ազգային կեդրոնական վարչություն», «Ազգային գավառական վարչությունը», «Հայրենյաց նոր հառաջադիմության համար մա՞րդ պետք է, թե Սահմանադրությունը» ծրագրային հոդվածները: Դրանց խոսուն խորագրերը քաջահայտում են առաջադրված հարցերի բազմազանությունը, հրատապ խնդիրները քննարկելու և յուրատեսակ ծրագիր առաջարկելու հեղինակի միտումները: Չնայած ամսագիրը հրատարակվում էր Վարազում, նրա հոդվածներին արձագանքում էին օսմանյան մայրաքաղաքի հայ հասարակական շրջանակներում: Հոդվածներից մի քանիսն արտատպվում էին Կ. Պոլսում՝ Հ. Սվաճյանի «Մեղվում» ժամանակի գործիչներից Նշան Օտյանը (Գրիգոր Օտյանի եղբայրը) գրում էր հրիմյանին. «Արծվոյն վերջին շորս թվերը եկան: Հինգ թվոյն մեջ Ազգային կեդրոնական վարչություն վրա գրած հոդվածը մեծ ուշադրությամբ և զմայլմամբ կարդացի: ...Այս հոդվածը գլուխ գդե՞ծոց է... (ընդգծումը հեղինակինն է—Է. Կ.) Ասանկ վսեմ, ազդու և բարձր գրված մը շատոնցե կարդացած չունեի. Կեցցե հրիմյան և իր ազգասեր ոգին»⁴:

Արևմտյան Հայաստանի տարածքի այդ առաջին պարբերականը խորը ակոսեց արևմտահայ հասարակական կյանքը, բարձրացրեց ժողովրդի ազգային ինքնագիտակցությունը, նրան ծանոթացրեց իր հերոսական անցյալի հետ, գավառահայության մեջ արթնացրեց ընթերցանության սեր և ուսման ծարավ: «Արծուի Վասպուրականը» հրատարակվեց մինչև 1864 թ. (որոշ ընդհատումներով), ապա դադարեց: Պատճառը Մ. հրիմյանի և Գ. Սրվանձտյանցի տեղափոխությունն էր պատմական Տարոն:

1862 թ. Կ. Պոլսի Ազգային կենտրոնական վարչության հրահանգով և պատրիարքի կոնդակով հրիմյանը մեկնում է պատմական Տարոն՝ իրեն հօգևոր առաջնորդ և Մշո Ս. Կարապետի վանքի վանահայր: Պատմական փառավոր անցյալ ունեցող հայաշունչ Տարոնը XIX դ. երկրորդ կեսին պետական պաշտոնյաների և քուրդ աշիրեթապետների հարստահարություններից և հարկերի ծանրություններից բզկտված մի նահանգ էր: Նորոքյա տերերը Տարոնը հայաթափ անելու նպատակասլաց քաղաքականություն էին վարում: Այդ շարիքներին դիմագրավելու համար Տարոն է ուղարկվում Մկրտիչ հրիմյանը: Ազատագրական պայքարի ավանդույթներ ունեցող Ս. Կարապետի վանքն ուներ հսկայական հարստություն՝ գյուղեր, արոտավայրեր, անասուններ, շարժական և անշարժ գույք: Այդ բոլորը մսխվում էր մի խումբ հոգևոր և աշխարհիկ ֆեոդալների, վանքի պորտաբույծ միաբանության, մերձակա գյուղերի ռեփսների, աղաների և համփաների կողմից: Իրենց բաժինն ունեին նաև բուրդ շինխերն ու բեկերը: հրիմյանի գալուստը

⁴ Հայաստանի Հանրապետության Պատմության կենտրոնական պետական արխիվ (այսուհետև՝ ՀՀ ՊԿԱ), ֆ. 57, գ. 125, ք. 25:

խռովեց վանքի աւղորդոր: Նորընտիր վանահայրը ստեղծեց տնտեսական խորհուրդ, որը խիստ հսկողութիւն սահմանեց վանքի հասույթների վրա, որպեսզի դրանք օգտագործվեն աղօթքում ձեռնարկութիւններում: Նա կազմեց նաև բարենորոգումների ծրագիր: Այդ բոլորը Խրիմյանի դեմ հարուցեց վանքի միաբանութիւն, հոգևոր և աշխարհիկ վերնախավի զայրույթը, որը չէր ուզում գրկվել իր հասույթներից: Ժամանակակից Երեմիա Տեկանցը այդ մասին գրում է. «Պետք և բռնավորք աշխարհին հարստութեանը Գլակա վանից (Ս. Կարապետի վանքի հին անունն է—է. Կ.)... որեւիցէ եղանակով շորթեին ի եկամտից վանուցն... Իսկ Խրիմյան անմիջապէս զշահն նոցա իսպառ ցամաքեցուց, ուստի նոքա բոլոր զորութեամբ զինեցան ընդդէմ նորա»⁵: Սկսվեց մի երկարատև պայքար, մի կողմից՝ վանքի միաբանութիւն և մյուս կողմից՝ նորեկ վանահոր և իր կողմնակիցների միջև: Դա պայքար էր երկու տարբեր գաղափարախոսութիւնների, տոցիական տարբեր խմբավորումների միջև: Ժողովրդի ծոցից դուրս եկած վարդապետը պայքարում է ժողովրդի շահերի համար՝ ընդդէմ սեփական և ալլազգի ցեղերի: Կառավարական պաշտոնյաները դաշն են կնքում Խրիմյանի ընդդիմադիրների հետ՝ նրան հեռացնելու նպատակով: Մինչ հոգևոր առաջնորդը ծանր և տքընաջան աշխատանք էր տանում հայ գյուղացու հարկային բեռը թեթևացնելու, հարկահաշանների ապօրինութիւնները սահմանափակելու ուղղութեամբ, նրա նախկին սանը, այժմ զինակիցը՝ Գարեգին Սրվանձտյանցը, ուսուցչի և հոգևոր առաջնորդի հսկողութեամբ ու խորհրդով Ս. Կարապետի վանքում բացում է մի նոր հոգևոր «Ժառանգավորաց» վարժարան և 1863 թ. ապրիլին սկսում հրատարակել «Լրատար Արծուիկ Տարոնո» երկշաբաթաթերթը, որի տիտղոսաթերթին նշված էր՝ «Թուրքիայի թեմա Վասպուրական Արծուին»: Դրանով ազդարարվում էր «Արծուիկ Վասպուրականի» ավանդութիւնների հավատարիմ լինելու մասին: «Արծուիկը» մերկացնում էր կառավարական տեղական պաշտոնյաների կամայականութիւնները, ժողովրդի բողոքի ձայնն էր հնչեցնում օսմանյան մայրաքաղաքի հայութեան և Բ. Դռան ականջին: Երկշաբաթաթերթի էջերում տպվեց մշեցիների աղերսագիրը՝ ուղղված Կ. Պոլսի հայոց պատրիարքարանին⁶, Տարոնի բոլոր հայկական գյուղերի գյուղացիութեան, գյուղապետների անունից գրված այդ «ողբախառն աղերսը» փաստորեն ավելի շատ ըմբոստ բողոք էր, քան խորագրում նշված «աղերս»: Հողվածի հիմնական լեյտմոտիվը «ալ դանակը մեր ոսկորին հասած է» արտահայտութիւնն էր: Հարութիւն Սվաճյանն այդ հողվածն ամբողջութեամբ արտատպեց «Մեղվում»⁷, իր լիակատար համերաշխութիւնն արտահայտելով նրանում արժարժված մտքերին:

Խրիմյանի առաջնահերթ խնդիրը դարձավ տարոնահայութեան վզին ծանրացած հարկերի գանձման կարգավորումը: Դա առավելապէս վերաբերում էր թաշիրին, որը պետք է գանձվեր բերքի և եկամտի 1/10-ի չափով: Արքունի հարկահավաքները, հարկ գանձող կապալառուները բնատուրքի փոխարեն գյուղացուց դրամ էին պահանջում, որը մի քանի անգամ բարձր էր բերքի արժեքից: Այդ պատճառով գյուղացիները հրաժարվում էին րանջարեղենի մշակութիւնից. անշահութաբերութեան պատճառով գյուղատնտեսական զանազան կուլտուրաներ այլևս չէին մշակվում, որը բացասաբար էր անդրադառնում երկրագործութեան զարգացման վրա:

Հոգևոր առաջնորդները սովորաբար օժանդակում և աջակցում էին հարկահավաքներին: Այլ էր Խրիմյանը: Բաղեռից Մուշ եկած հարկահավաք Շեքի էֆենդուն աջակցելու փոխարեն նա կազմակերպում է իր թեմի սահմաններում գտնվող գյուղապետներին՝ միասնաբար հրաժարվել թաշիրը

⁵ Մեսրոպ Մաշտոցի անվան Մատենադարան (այսուհետ՝ Մատենադարան), ձեռագիր 4177, էջ 72:

⁶ Արծուիկ Տարոնո, 1863, № 3:

⁷ Մեղու, 1863, № 208, 210, 212:

դրամով վճարելուց, Գյուղապետերի միաբանությունը շուտով քայքայվում է Ս. Կարապետի միաբանության որոշ անդամների և աղայական վերնախավի սաղրանքներով: Թուրք դայմադամին տեղեկացնում են հոգեոր առաջնորդի «հակապետական» գործունեության մասին: Հարկահավաքի քսություններով Մուշ է գալիս օսմանյան մյութեսարֆը, որի մոտ վանքի միաբանության անդամները, «Մամիկոնյան Վարդան աղան, Կոնճոյան Մովսեսն սկսան մատնել և զրպարտել զհորմյան...», ասելով, թե հորմյան ունի կազմյալ ի մեջ քաղաքի զաղտնի ժողով ընդդեմ տաճկական ժողովին, ի ոռոսահայոց կասկածավորս քերյալ բնակեցուցանեն ի մեջ Վանա, ժողովուրդն հապստամբություն զրգռեն, արգելով տալ դմաքս և տասանորդ և այլ անյուր բանա...»⁸ Գյուղացիները, լսելով այդ մատնության լուրը, հարձակվում են վարդապետների վրա, որոնք փախչում և թաքնվում են իրենց խցերում: Սակայն մատնությունը շարունակվում է: Նույն Մամիկոնյան Վարդան աղան հավաքում է «Արծուիկ Տարոնոյի» հոգվածները, թարգմանում դրանք և հայերեն բնագրերի հետ հանձնում դայմադամին՝ հորմյանին ներկայացնելով իրեն քաղաքականապես անբարենպաստ, ժողովուրդին գրգռող և օսմանյան պետության դեմ ոտքի հանող: Մատնությունից բացի, թշնամիներն անցնում են հին և փորձված միջոցների: Երեք անգամ մահափորձ են կազմակերպում հորմյանի դեմ⁹, բուրդ ավաղողի վարձելով ահաբեկչության համար: Բ. Դուրր պատրիարքարանի միջոցով Տարոնի հոգեոր առաջնորդին կանչում է Կ. Պոլիս՝ բննելու իրան ներկայացված մեղադրանքները: Կ. Պոլսում հրատարակվող «Ժամանակը» գլոսեց արևմտա-այսյունյանը. «հորմյանի համար սոսկալի մատնություններ եղան, որոնք միայն հորմյանի չեն վերաբերիր, այլ ընդհանուր աղդին՝ «Արծուիկ» թերթին մատնությունը ու անոր խափանումը, տպարանի ղեկավար և վարժարանի ցրվիլը Դեռևս մոռացված չեն, ասոնք փոքր հանցանքներ են և նույնիսկ Սահմանադրության քննաքննի հարված»¹⁰, Երկու ամիս ու կես հորմյանը Կ. Պոլսում տեղադրված գործունեություն է ծավալում, Աղզային կենտրոնական վարչությունը և պատրիարքին ներկայացնում իր անմեղությունն ապացուցող փաստաթղթեր՝ ինքն էլ իր կողմից մեղադրելով Բիթլիսի դայմադամին և թուրք հարկահավաքներին, որոնք իրենց ապօրինի գործողություններով քայքայում են դյուղացիությունը, որից մեծապես տուժում է երկրագործությունը. «Գեղացին հարստահարվելով ուժեն կթափի, երկրագործություն, մաճ և արոր կղաղրին և հետևապես տասանորդական տուրքը վերջի նվազման կետ կհասնի»¹¹:

Արդարացած հորմյանը նորից վերադառնում է Տարոն: Վերսկսվում են ժամանակավորապես դադարած «Արծուիկի» հրատարակությունը, աղզային-լուսավորական աշխատանքներու Տարոնի թեմում գտնվող բաղամթիվ գլուղներում վարժարաններ են բացվում: Մեծ գործ է կատարվում Աղզային ու Տաթևի տարրությունը Տարոնում ղործադրելու ուղղությամբ: «Արծուիկ» էջերում լենագրավում են Կ. Պոլսում ծավառած «փափկակենցաղ» հոգեբուս-կուլտուրը, Բե-Նո սնտարբեր էին «Բուվառահայություն» վիճակի նկատմամբ. «Աշխարհ մո կանցնի, կպոռանք, կպոռանք, բայց մեր աղզասերներ, որ ամարանուցներ կերթան, որ Եվրոպա օգափոխություն, որ պաշտոնեն հրաժարական կուտա, որ կերպ-կերպ վայելչասիրություն կղվարձանա Սրբազաններ, գավառներ դնացին ձեռաց: Վարչություն, Հայաստանի մեջ մեկ հայուն կյանք չմնաց, չմնաց, չմնաց...»¹² Տարոնում ծավալած ժողովրդա-

⁸ Մասենագրարան, ձև. 4177, էջ 53:

⁹ Արծուիկ Տարոնո, 1863, № 5:

¹⁰ Ժամանակ, Կ. Պոլիս, 1864, № 47:

¹¹ Ե. Զարենցի անվան Գրականության և արվեստի թանգարան (այսուհետև՝ ԳԱԹ), հորմյանի ֆ., գ. 141, էջ 11—17 (ամբողջ տեղեկագիրը):

¹² Արծուիկ Տարոնո, 1864, № 31:

էվեր գործունեության համար տարոնահայության կողմից հոգևոր առաջնորդը մեծարվում է «Հայրիկ» պատվանունով: Այդ գործունեությանը իբրև զնահատական, Կ. Պոլսի պատրիարքը նրան շնորհում է եպիսկոպոսական վկայական, իսկ 1868-ին Գևորգ Դ (Կոստանդնուպոլսեցի) կաթողիկոսը էջմիածնում նրան ձեռնադրում է եպիսկոպոս:

Խրիմյանի ծավալած հայրենաշինության յուրատեսակ արժեքավորումն էր 1869-ին Կ. Պոլսի Աղղային ժողովի կողմից նրան հայաց պատրիարք հաստատելը: Նրա պատրիարքության 4 տարիներն անցան թե՛ պայքարի մթնոլորտում:

Չնայած 1863-ից օսմանյան կառավարությունը վավերացրել էր հայոց Աղղային սահմանադրությունը, սակայն, Արևմտյան Հայաստանում այն բոլորովին չէր ղործագրվում: Մինչ Խրիմյանը XIX դ. Կ. Պոլսի պատրիարքական գահին բաղմնի էին Օսմանյան կայսրության ծովամերձ գաղթօջախների՝ համեմատաբար «բարվոք» վիճակում գտնվող հայության ներկայացուցիչները: Խրիմյանը առաջին բարձրաստիճան հոգևորականն էր, որ ներկայացնում էր բուն Արևմտյան Հայաստանը: Պատահական չէ, որ նորընտիր պատրիարքը իրեն համարում էր «Հայաստանի ցավոց պատկերը»՝ իր գործունեության մտասևեռ գաղափարը դարձնելով գավառահայության վիճակի բարվորումը: Հայոց Աղղային սահմանադրության հեղինակները Եվրոպայում կրթություն ստացած, եվրոպական երկրների սահմանադրություններին քաջածանոթ, նոր շնչով համակված երիտասարդներն էին, որոնք աղոտ և մշուշոտ պատկերացում ունեին Արևմտյան Հայաստանի մասին: Նորընտիր պատրիարքը պահանջում էր վերաբնել Աղղային սահմանադրությունը՝ այն համապատասխանեցնելով արևմտահայության շահերին: Հայ եկեղեցու անվանի տարեգիրն ու պատմագիրը՝ Մաղաքիա Օրմանյանը, արժեքավորելով Խրիմյանի պատրիարքական գործունեությունը, գրում էր. «Ինքն գավառի ղավակ, գավառական կյանքի անձնանվեր, գավառի ժողովրդին վիճակով տոգորված և գավառացի տարրին բարվոքումը միայն իրեն նպատակ ըրած, գավառեն զատ բան չխոսեցավ, գավառեն զատ բան չսեց, բայց դժբախտաբար, այդ նպատակին մեջն ալ արդյունավոր չեղավ...»¹³: Անհնար է համաձայնել այս մտքի հետ, մանավանդ, իբրև նկատի ենք առնում, որ գավառ կոչվողը Արևմտյան Հայաստանի հսկա տարածքն էր, որի երկուեկես միլիոն հայ բնակչությունը Աղղային ժողովում ուներ ավելի քիչ թվով երեսփոխաններ, քան 200.000 հայություն ունեցող Կ. Պոլսի: Պատրիարք Խրիմյանը պահանջում էր ընտրության հավասարություն Պոլսի և «գավառի»՝ Արևմտյան Հայաստանի համար: Այդ պարագայում Աղղային ժողովում հերիշխող կլինեին բուն երկրի գյուղացիության և արհեստավորության ներկայացուցիչները, որը կդառնար նոր պատրիարքի հենարանը: Խրիմյանի այդ պահանջը հստակագրեց Կ. Պոլսի էֆենդական դասի կատաղի դիմադրությունը:

Խրիմյանի պատրիարքական շրջանի ժողովրդական գործունեության ցայտուն արտահայտությունն էր Նրա ծավալած պայքարը Պողոս եպիսկոպոս Մելիքյանի դեմ, որը դեռևս 1860-ականներից, դաշն կնքած հայ շորպաջիներին, քուրդ Նեյխերի ու դերեբեյիեևոհ հետ, կեղեքում էր ժողովրդին: Իր արժանավոր սան Գարեգին Սրվանձտյանցի միջոցով պատրիարք Խրիմյանին հաջողվում է սղոդոսյան-ապոդոսյան պայքարը հասցնել ապոդոսյանների համար հաղթական: ավարտի և Բ. Դուան թագրիրով 1872-ին նրան հեռացնել Վասպուրականի հոգևոր առաջնորդի պատասխանատու պաշտոնից:

Խրիմյանի պատրիարքական շրջանի ամենակարևոր գործը եղավ գավառական հարստահարություններն ուսումնասիրող հանձնաժողովի ստեղծումը 1870 թ. Նոյեմբերի 27-ին: «Հանձնախումբը» բաղկացած էր 9 ան-

13 Մ. Օրմանյան, Աղղայատում, հ. Գ, Երուսաղեմ, 1927, էջ 4255:

դամից. չորսը՝ հոգևորական, հինգը՝ աշխարհականներ: Հանձնախմբի նախագահը ներսես Վարժապետյանն էր: Պատրիարքի հատուկ շրջաբերականով հանձնախումբը օժտվեց յիսգորություններով, կապ հաստատեց գավառների հետ՝ իրականության ճշգրիտ պատկերը ներկայացնելու համար: Մեկ տարի անց՝ 1871 թ. նոյեմբերին հանձնաժողովին հաջողվեց ավարտել գործը և Ազգային ժողովի քննությանը ներկայացնել իր տեղեկագիրը: Ազգային ժողովի երեսփոխանները հարցի քննարկումը ձգձգեցին մինչև 1872 թ. ապրիլ: Անպտուղ վիճաբանությունները, խռնակությունները հասան այն աստիճանին, որ Բ. Դուռը միջամտեց՝ արգելելով պատրիարքության հարստահարությունների վերաբերյալ որևէ փաստաթուղթ քննարկել¹⁴: Միայն այդ հանգամանքը սթափեցրեց Ազգային ժողովին, որը 1872 թ. ապրիլի 12-ին գավառական հարստահարությունների տեղեկագիրը հանձնեց Բ. Դուռն: Այդ գործողությունը փաստորեն Հայկական հարցի և կրոնավորման նախնական փուլն էր, որը սերտ առնչվում էր նրա երկու գլխավոր գործիչների՝ Մկրտիչ խրիմյանի և ներսես Վարժապետյանի հետ: Ազգային սահմանադրության վերաքննության համար ծավալված անպտուղ վեճերը, սահմանադրությանը հավատարիմ մնալու քողի տակ էֆենդիական դասի ղեկավարությունը պատրիարքին ստիպեցին 1873 թ. օգոստոսին հրաժարական ներկայացնել Ազգային ժողովին: Դա ժողովրդական ուժերի պարտությունն էր: Իրավացի էր հետադուտդը, երբ գրում էր. «Նա առաջին... պատրիարքը եղավ, որ բողոքեց սահմանադրության մեջ գավառների կարիքների անտեսման դեմ: Նրա պայքարը սահմանադրության վերանայման համար գավառի ըմբոստացումն էր Պոլսի էֆենդիության դեմ»¹⁵:

Հրաժարված պատրիարքը որոշ ժամանակ ապրեց կայսրության մայրաքաղաքում: Թվում էր, նա հեռացել էր աղղային հասարակական գործունեության ասպարեզից և, քաշված Գուգկունճուք հայաբնակ թաղամասի իր բնակարանում, «լուռ ու մունջ» զբաղվում էր գրական գործունեությամբ: Բայց դա սոսկ երևութական էր: Անհանգիստ խրիմյանը ակնդետ հետևում էր Ազգային ժողովի նիստերին և կայսրության մեջ խմորվող նոր երեվոյթներին: Պատմական թատերաբեմ էր մտնում «նոր օսմաններին» հոսանքը, որը եվրոպական պետությունների ճնշող ձեռքը Թուրքիայից հեռացնելու միտումով կյանքի էր կոչում նոր ծրագրեր: Նրանց պարագլուխ Միդհատ փաշան դառնում է թուրքական սահմանադրության հեղինակը: Խորամանկ Աբդուլ-Համիդ II-ը առերես համաձայնում է Միդհատ փաշայի ծրագրերին և 1876 թ. դեկտեմբերին Թուրքիան հռչակում սահմանադրական միապետություն: Կատարվում են խորհրդարանական ընտրություններ, ընտրվում երեսփոխանական ժողովի անդամներ, իսկ Սենատի կամ Մեքալույտի անդամները նշանակվում են սուլթանի կողմից: Մեծ ժողովրդականություն վայելող Մկրտիչ խրիմյանը նշանակվում է Սենատի անդամ: Այդ շրջանում խրիմյանը գրում է «Ժամանակ և խորհուրդ յուր» փոքրածավալ աշխատությունը (1876 թ.), որը հույսերի, սպասումների, կասկածների ու տարակույսների, բազմաթիվ անպատասխան հարցականների մի համաձուլվածք է: Չնայած այն հանգամանքին, որ հեղինակն ավետում է նոր ժամանակների գալուստը, սակայն միաժամանակ հավաստում է, որ իր կողմից հռոմեական ստրկատիրական պետության հետ համեմատվող Թուրքիան ի վիճակի չի լինելու իրականացնել սահմանադրության հռչակած բարենորոգումները: Արդարանում են խրիմյանի կասկածները: Այն ժամանակ, երբ կայսրության մայրաքաղաքը շքեղ հրավառությամբ նշում էր սահմանադրության հաղթանակը, գավառում՝ բուն Արևմտյան Հայաստանում, սաստկացել էր հայահալած քաղաքականությունը, որը նպատակամղված

¹⁴ ԳԱԹ, Հ. Առաքելյանի ֆ., գ. 182, էջ 49:

¹⁵ Դ. Հովհաննիսյան, Արևմտահայ աղղային-ազատագրական շարժումները և Կարինի «Պաշտպան Հայրենյալ» կազմակերպությունը, Ե., 1965, էջ 81:

էր հայութեան տնտեսական կյանքի քայքայմանը: 1876 թ. դեկտեմբերի 1-ին նախօրոք մշակված պլանով հրդեհվեց Վանի վաճառաշահ շուկան՝ 500-ից անցնող խանութներով, որոնց տները միայն հայերն էին: Մի գիշերվա ընթացքում շեն տու վաճառաշահ քաղաքի շուկան ենթարկվեց հրդեհի: Հրդեհի կիսատ թողած գործն ավարտեցին թուրք ու քուրդ ամբոխը, ոստիկաններն ու զինվորները: Հարազատ քաղաքի ողբերգության լուրը ցնցեց Խրիմյանին: Մի ամիս լանցած՝ հոգեկան ծանր խռովքից ժայթքեց Խրիմյանի հոգու հրաբուխը, լույս տեսավ «Վանգույժը»՝ ողբի, բողոքի ու ցասման ուժգին արտահայտությունը: Խրիմյանը մեղադրում էր իր հայրենակիցներին չափից ավելի հնազանդ լինելու մեջ: «Ո՛վ հավատարիմ ժողովուրդ հայոց, մարդիկ և աղզեր կան, որ քու այնչափ հավատարմությունդ կծաղրեն ու կը մեղադրեն զքեզ, երբ կտեսնան Խրիմյան անունը և անզգա կը լինիս հավատարմությանդ մեջ... Մի՞թե զոհհաց կա՞վ ես դու աշխարհիս երես, ես էլ կդատիմ զքեզ, թե այդչափ ստրկանաս և աղարտես մարդկության ազատ պատիվ»¹⁶: Այս փոքրիկ գործը գրավեց իշխանությունների ուշադրությունը: Նրանք արգելեցին գրքի վաճառքը և հավաքեցին ողջ տպաքանակը: Սակայն որոշ օրինակներ արդեն տալու մեջ էին ժողովրդի մեջ: Գրքում արտահայտված բողոքի և ընդմիջման համար Խրիմյանը, իբրև պատժամիջոց, հեռացվեց Սենատի անդամությունից: Բայց Խրիմյանը չընկրկեց: Ապրիլին գրքույկը վերահրատարակվեց Թիֆլիսում և արժանացավ ջերմ ընդունելության:

«Վանգույժի» տրամաբանական շարունակությունը եղավ «Հայգույժը», որը ցավադեն արձագանքն էր 1877—78 թթ. ռուս-թուրքական պատերազմի ժամանակ Շեյխ Զալալեդդինի կողմից Ալաշկերտի հովտի հայ բնակչության սահմանեցուցիչ կոտորածների: Կարծես թե հետին պլան մղվեց այդված և ավերված «բնականուճ հայրենիքի» վերաշինության խնդիրը: Պատմության հորվությունում շարունակվեց Մովսես Խորենացու օրերից սկսած հայ ողբերի շարքը: Բայց այս ողբը, ինչպես և նույն հեղինակի առաջին ողբը, այդ բոլոր ողբերից էականորեն տարբերակվում էր: Անմոռունջ մորթվելու փոխարեն Խրիմյանը պահանջում էր ձեռք բերել «խեթկիլ եղջյուր»՝ և ցուլի նման ոգորել բռնակալների դեմ: Ազգային ինքնագիտակցության և մարդկային արժանապատվության կոչ էր հնչեցնում հեղինակը, ահազանգում ժողովրդին: «Դեռ պիտի կոտորվիք, դեռ պիտի մորթվիք... քանի որ անզեն, անեղջյուր, անասպար կապրիք, դուք մարդ եք, ձեռք և բազուկ ունիք, միթե անզգացած մեռեր է ձեր սրտմտությունը ոգին»¹⁷: Այդ մտքի տրամաբանական շարունակությունը կարող է լինել միայն պայքարի հրավերը և հեղինակը նկատում է. «Մեր նախնի քաջեր Եկեղեցվո՛ւ և Հայրենյաց ազատություն մահով և արյունով գնեցին: Միթե դու ցանկալի ազատություն և առանց զոհի և արյան ձրի՞ ստանալ կուզես»¹⁸:

Ավարտվում են գույժերը: Գալիս է հուսո ժամանակը, գործելու ժամանակը: 1877—78 թթ. ռուս-թուրքական պատերազմում ռուսական զորքերի հաղթանակը նոր հույսեր է արթնացնում հայության սրտերում: Խրիմյանի նախաձեռնությամբ Կ. Պոլսի բարձրաստիճան հոգևորականությունը դիմում է Կ. Պոլսի պատրիարք Ներսես Վարժապետյանին՝ ռուսական դիվանատակական և ռազմական ղեկավար գործիչների հետ Հայկական հարցը քննարկելու խնդրանքով¹⁹: Այդ հանդիպումները մեծապես նպաստեցին Սան-Ստեֆանոյի դաշնագրում տեղ գտած 16-րդ հոդվածին, որը քրդերից և չերքեզներից հայության պահպանության և Հայաստանում բարեփոխում-

16 Խրիմյան, Հայրիկ, Երկեր, Ե., 1992, էջ 422:

17 Նույն տեղում, էջ 444:

18 Նույն տեղում, էջ 445:

19 Սարգիսյան, Հայկական խնդիրը և Ազգային սահմանադրությունը Թուրքիայում (1860—1910), հ. Ա, Թիֆլիս, 1912, էջ 265:

ներ կատարելու հարցն էր նախկին պատրիարքին է վերապահվում Բեռլինի վեհաժողովում արևմտահայության ինքնավարությանն ծրագրերը մեծ տերություններին ներկայացնելու գործը:

1878 թ. մայտից հայկական պատվիրակությունը՝ Խրիմյանը իր թարգմանիչ և քարտուղար Միլաս Չերադի հետ այցելում է հվոսյական մեծ տերությունների արտաքին գործոց նախարարներին, բաղմաթիվ հանդիպումներ ունենում տարբեր աստիճանի գործիչների հետ, նրանց ներկայացնում հայ ժողովրդի ծանր կացությունը և առաջարկներն ու պահանջները: Ժողովրդի ծոցից հլած գործիչը, որ մեծ տերությունների ղեկավարների մոտ ցանկանում էր պաշտպանել իր ժողովրդի արդար դատը, աստիճանաբար հանգում է այն գաղափարին, որ բոլոր մեծ տերություններն առաջնորդվում են սկիական շահերով, և փոքր ազգությունների՝ ճակատադէտը նրանց ձեռքին մաքրագրամի արժեք ունի: Այդ մտայնությունն առավել ամրապնդվում է, երբ հայոց պատվիրակությանն արդելվում է մասնակցել վեհաժողովի նույնիսկ այն նիստին, որ քննարկվում էր 15-րդ հոգվածը, որը ճակատադէտ հեղանքով Բեռլինում վերափոխվեց 61-ի: Բեռլինից վերադառնալով Խրիմյանը էպպես ստորերվում էր նախկին Խրիմյանից: Վեհաժողովի և դաշնագրի արդյունքներից պատրանաթափ դործիչը Կ. Պոլսի Գում-Գաբուի Մայր տաճարում ժողովրդի հետ հանդիպման ժամանակ արտահայտում է իր խորը հիասթափությունը: Թիթև և երկաթի շերտիով կաթսայից հսրիսա վերցնելու այլաբանական պատկերով, աղա ուղղակի, Խրիմյանը դիմում է ասմանյան մայրաքաղաքում կուտակված գավառացի պաղտոխտներին: «Սիրելի և օրհնյալ հայաստանցիներ, երբ հայրենիք վերադառնալու լինիք ձեր բարեկամաց և աղգականաց իրրե պարգև մեկ-մեկ ղենք տարե՞լ, ղենք առեք և դարձյալ ղենք ժողովրդի, ամենևն առաջ քաղատություն հույսը բոլոր ղեր, քո խելիք և բաղի՛ն ուժ տուր, մարդ ինքնիրեն պետք է աշխատի, որ փրկվի»²⁰: Այդ գաղափարները պարարտ հող են գտնում և ծրարակվում ժողովրդի սրտում: Սկսվում է ֆիդայական շարժման արշալույսը, որն անհեղաժեշտ կեսօր և դժեղակ երկկո-արևամուտ:

17 երկար ու ձիգ տարիների բացակայությունից հետո Խրիմյանը վերստին վերադառնում է հայրենի Վան՝ վարելու հոգևոր առաջնորդի դժվարին ու պատվալոր գործը: Դժվարին տարիներ էին Արևմտյան Հայաստանի համար: Վանը տառապում էր պատերազմի անմիջական ուղեկից սովի ճիրաններում: Իշխանությունների տեղական մարմինները, հաշվի չառնելով բնակչության տաքնապի ահազանգերը, դիտմամբ, աննշան գնով Պարսկաստանին են վաճառում հացի պաշարները, ժողովրդին թողնելով թշվառության մեջ²¹, Խրիմյանը գործագրում է հնարավոր բոլոր միջոցները. նա Սովետոց հանձնաժողովի նախագահն է: Նրա վայելած աննախադեպ սիրտ, հարգանքի և հեղինակության շնորհիվ աշխարհի 4 ծագերի հայությունը միջոցներ է հանգանակում սովյալներին փրկելու համար: Մեծ մարդասերն ու փրկիստփան այդ գումարից բաժն էր հանում նաև տեղի քրդերի ու Բուլղարի համար՝ հաճախ առաջացնելով իր գործընկերների գժգոհություն:

1880-ական թվականներին Արևմտյան Հայաստանի գաղափարն վայրերում՝ Վանում, Կաբինում, Փոքր Հայրում ստեղծվում են Հայաստանի ազատագրության նպատակը հետապնդող գաղտնի կազմակերպություններ: Կարծես անտես թելերով այդ վայրերի գործիչները կապ են հաստատում Խրիմյանի հետ՝ ի որհուրվներ և աջակցություն ստանալով նրանից²²: Այդ փաստերը հավաստում են Վանում գտնվող տարբեր երկրներ: Հյուպատոս-

²⁰ Է. Ա. Կոստյան, Հայոց Հայրիկ, Խավթիկ, 1929, էջ 311:

²¹ Архив внешней политики России (այսուհետև՝ АВПР). ф. Армянские дела, 1880—1882 гг., д. 119, л. 6.

²² Է. Ա. Կոստյան, Առաջին կալծիրը, էջ 94—95, 99, 110:

ների և նրանց գործակալների զեկուցագրերը, բազմաթիվ արխիվային վավերագրեր²³։ Անմիջապես Խրիմյանի հսկողության տակ է ընթանում Վանի «Սև խաչ» գաղտնի կազմակերպության ծավալած գործունեությունը։ Բոլոր այդ իրադարձություններին տեղյակ Բ. Դուռը անցանկալի է գտնում այդ «անհանգիստ» հոգևորականի ներկայությունը հայաշատ Վան-Վասպուրականում և 1884 թ. հատուկ հրահանգով նրան կանչում է Կ. Պոլիս։ Վեց տարի Խրիմյանը գործում էր Կ. Պոլսում, ուր կրոնական ժողովի ատենապետն էր և Ազգային ժողովում ունեցած իր ելույթներով պատրիարքի և Ազգային ժողովի ուշադրությունն էր հրավիրում Արևմտյան Հայաստանի օրրստօրե վատթարացող կացության, կառավարության հայահալած քաղաքականության սաստկացման վրա։

Նորաստեղծ Ազգային կուսակցությունները, մասնավորապես «Հնչակը» իր առաջին քայլերն էր կատարում Կ. Պոլսում։ 1890 թ. էրդրումի հունիսյան դեպքերի տհաճ տպավորությունը ցրելու և կառավարության ուշադրությունը հայկական բարենորոգումների վրա հրավիրելու միտումով, Կ. Պոլսում հուլիսին կազմակերպվում է խաղաղ ցույց, որին, սուլթանի հրամանով միջամտում է ոստիկանությունը։ Ցույցի մասնակիցները կանգնում են գատարանի առաջ։ Բ. Դուռը, որը Խրիմյանի մեջ տեսնում էր քաղաքականապես անբարեհույս հոգևորականի, նրան աքսորում է Երուսաղեմ, ուր Ս. Հակոբա վանքի խցերից մեկում «արծվին փակեց էին ճնճղուկի վանդակի մեջ»։

1892 թ. մայիսի 5-ին Մկրտիչ Խրիմյանը 72 տարեկանում էջմիածնում միաձայն ընտրվեց Ամենայն հայոց կաթողիկոս։ Հաստատման ցարական հրովարտակը ստացվեց միայն տասներեք ամիս անց։ Պատճառն այն էր, որ թուրքական սուլթանը չէր ցանկանում ըմբոստ հոգևորականին ազատել թուրքական հպատակությունից և համոզում էր ռուսական ցարին, թե Խրիմյանի ներկայությունը էջմիածնում նոր խռովությունների առիթ է տալու։ Արդուլ-Համիդն առաջարկում էր Նիկոլայ II-ին՝ հրահանգել նոր կաթողիկոսական ընտրություններ անցկացնելու համար²⁴։ Միայն Նիկոլայ II-ի առարկությամբ, թե Խրիմյանին կաթողիկոս չվավերացնելը պատճառ կդառնա ավելի մեծ հուզումների, սուլթանը կատարեց ցարի խնդրանքը և ազատեց թուրքահպատակությունից։

1893 թ. սեպտեմբերի 26-ին Վարազա Ս. Խաչի տոնի օրը էջմիածնի Մայր տաճարում Խրիմյանն օծվեց կաթողիկոս։ Օրը մռայլ էր և ամպամած։ Օծման արարողության ժամանակ փայլատակեց արևը։ Հանդիսությանը մասնակցող ժողովուրդը ցնծագին աղաղակներով թնդացրեց օդը՝ երևույթը համարելով երկնային նախանշան։

Ծանր ու փոթորկոտ էին Խրիմյանի կաթողիկոսական տարիները։ Ցարիզմը, գործակցած Բ. Դուռն հետ, աշխատում էր խեղդել հայ աղգային-աղատագրական շարժումները։ Կովկասի կառավարչապետ հայատյաց Դուրիցինի սադրանքով 80-ականների վերջերից սկսվեց հալածանքը՝ հայկական մշակութային օջախների, դպրոցների, ապա նաև հայ եկեղեցու նկատմամբ։ Պետականությունից զուրկ հայ ժողովրդի համար եկեղեցին կատարում էր ազգապահպան և ազգահավաք մեծ գործ։ Նրա միջոցներով էին պահվում կուլտուր-կրթական հաստատությունները։ 1903 թ. հունիսի 12-ին Նիկոլայ II-ը ստորագրեց հայ եկեղեցու շարժական և անշարժ գույքը հարբունիս գրավելու հրամանը։ Հայ հասարակական կազմակերպությունները, կուսակցությունները, ողջ հայ ժողովուրդը Ամենայն հայոց կաթողիկոսի գլխավորությամբ բողոքի ձայն բարձրացրին պետական մակարդակով կատարվող այդ մեծ կողոպուտի դեմ։ Կաթողիկոսի նախաձեռնությամբ և մասնակցությամբ կազմվեցին բողոքի բազմաթիվ փաստաթղթեր²⁵ ուղղված

²³ АВРР. Политархив, 1881—84, д. 1625, л. 123.

²⁴ АВРР. Главный архив. ф. Армянские дела, д. 191, л. 5—6, 11, 14—15, 25—26.

²⁵ 22 ՊԿՊԱ, ֆ. 56, ց. 1, գ. 73, ք. 1—34, ԳԱԹ, Խրիմյանի ֆ. I Բ, գ. 164:

Նիկոլայ II-ին, Մերունազարդ խրիմյանը երիտասարդի ավյունով գլխավորեց համաժողովրդական այս շարժումը մինչև 1905 թ. օգոստոսը, երբ արտաքին և ներքին հանգամանքների ճնշման տակ ցարը ստորագրեց հայ եկեղեցու ունեցվածքը վերադարձնելու հրովարտակը:

Իսկ արևմտահայությանը կանգնած էր ֆիզիկական ոչնչացման սպառնալիքի առջև: Հարազատ ժողովրդի ճակատագրով մտահոգված Հայրապետը կյանքի վերջին տարիներին անդամ չէր դադարում իր պարտքը կատարելու: Մահվանից մի քանի ս.միս առաջ նրա նախաձեռնությամբ կազմվեց հատուկ պատվիրակություն Հաագայի (Հաճեի) միջազգային գագաթաժողովին Հայկական հարցը ներկայացնելու համար²⁶, նա դիմումներ հղեց ռուսական ցարին²⁷ և անգլիական թագավորին:

Հայ ժողովրդի համար այդ ծանր պահին, 1907 թ. հոկտեմբերի 29-ին իր մահկանացուն կնքեց Ամենայն հայոց հայրապետը, երբ դեռ իր ժողովրդի «անդեկ և անառաղաստ նավը չէր զտել մի խաղաղ հանգրվան»: Ինքնաբերական հայ եկեղեցու հմուտ պատմագրին՝ Մաղաթիա Օրմանյանին, Նշելով, որ կաթողիկոս խրիմյանը չի փայլել վարչական ունակությամբ, «Ազդպատումի» հեղինակը ցանկանում է պարզել խրիմյան առեղծվածը. նրա անձի և գործունեության շուրջն ստեղծված հմայքի՝ օրրստօրե և տարեցտարի մեծացումը: Այդ փաստից նա հանդում է մի շատ կարևոր եզրակացության. «Ինքը գտիչը և ստեղծիչը եղած է ազգասիրական և հայրենասիրական զգացումներով, որոնցով ազդր տոգորեցավ 50—60 տարիներ ի վեր..., նոր կյանք ներշնչեց, նոր գործունեություն ազդեց և նոր առավելություն բերավ հայ տարրի վրա»²⁸, Դրվածք բավական էր ապացուցելու, որ հայ ժողովրդի պատմության մի մեծ ժամանակահատված անվանենք խրիմյանի ժամանակ, իր գործունեությամբ և արտահայտած գաղափարներով նա շարունակում է ապրել և պայքարել մեզ հետ, խրիմյանը նաև մեր ժամանակակիցն է:

МКРТЫЧ ХРИМЯН (К 90-ЛЕТИЮ СО ДНЯ СМЕРТИ)

Э. А. КОСТАНДЯН

Р е з ю м е

Мкртыч Хримян—духовный, культурно-просветительский деятель, имя которого на протяжении полувека было тесно связано с общественной жизнью Западной и Восточной Армении. Он был одним из идеологов национально-освободительного движения западных армян. Еще при жизни М. Хримяна крестьяне Тарона удостоили его высокой чести, назвав его Айриком (Отцом). Приняв духовный сан архимандрита (1854), он стал основателем первой типографии Западной Армении в монастыре Вараг, где издавался журнал «Арцив Васпуракан» («Орел Васпуракана»). М. Хримян был Константинопольским пагрияхом, духовным предводителем армян Васпуракана и Тарона, руководителем армянской делегации на Берлинском конгрессе, «зачинщиком и кормчим» Армянского вопроса. В 1892 г. он был избран католикосом всех армян. Все свои усилия он направил на разрешение Армянского вопроса.

²⁶ Նույն տեղում, ց. 14, գ. 96:

²⁷ АВІР, Ф. Политархив, д. 3456, նաև Պատմա-բանասիրական հանդես, 1993 № 1—2, էջ 166—168:

²⁸ Մ. Օրմանյան, Նշվ. աշխ., էջ 5335: